

TE MAN N RAOI.

"Tai maku ; ba noria, I tuaññkami te roñoroño ae raoiroi."

Vol. 3.

KUSAIE,

JULY,

1902.

No. 3.

UAN TE BAINIKIRINAKI.

Mak. 8:1-8.

I MWIN maten Iesu ao nakona nako karawa, E roko te Tamnei are Raoiroi i nanoia tan tuatua ni kabaneia, ao a bati aomata aika a riki ni kristian i bukin ana makuri te Tamnei irouia tan tuatua. Ao i mwina ñke a rikirake ni bati kain te ekaretia ao e riki te bainikirinaki ae korakora iai, ma ñaia are a mae nako kaini ni kawari aba nako ao n taekina te euañkerio.

Ao ñke a kamaeaki nako taiani kristian ao a bane ni kaonaki n te Tamnei are Raoiroi ma ñaia are a aki rawa ni bainikirinaki i bukin aran Iesu, ao a uriña naba te taeka are ni Mat. 10:32, 33.

Ñke a kamaeaki kain te ekaretia ao a nako temañina nako Tamaria ao temañina Boinike Mak. 11:19, ao a aki bae n te bai teuana ma a ti tataekina aran Iesu i buakoia aomata ba E buoki'a te Uea Mak. 11:21.

A oño te euañkerio I-Tamaria, ae roñoroñon uean te Atua i bukin te bainikirinaki arei ; ba ti taku ba bon te aro ni kabuta te euañkerio iroun te Atua nakoia aomata, ba ñke a mae nako kain te ekaretia a riki n tani kabuta ana taeka te Atua ba e boni mena Iesu i rouia. Mat. 28:20.

A bon ataia tani kamaeaki nako ba bon te tai arei ae riai ni kaotaki

te euañkerio nakoia aomata, i bukin te Tamnei are Raoiroi are E mena i nanoia, ma ñke akea ao a ti nako n ukora te bae aki akaka ae aki kukurei iai te Atua. Mat. 16:25, 26.

A kamaiuaki naba kain kawa ake a roko iai tani bainikirinaki. Eriki naba n ota tabo ake e roko naba iai te euañkerio, ba a tabe ñkoa ni mamananaki n aroia I-Tamaria. Mak. 8:9-13, 18, 19. Ma ñaia are ti nora manen te bainikirinaki are e reke ñke e roko te ota i buakon te ro ni kaotai nanoia aomata ake a bae ni mamananaki. Te ua ae moan te tañiraki iroun te Atua te ua aei ae reke i bukin te bainikirinaki are e reke irouia kain te ekaretia.

A on n te Tamnei tani kamaeaki nako ma ñaia are a kona ni karaoi b'ai ake a kona n rairi nanoia iai aomata, ba a taekin ana taeka te Uea ao tiaki aia taeka are a kaotiotia nakoia aomata, ba bon te Tamnei are a tuañaki i Rouna.

Ao ñkami naba aika tan reirei tai kataia ni kan atoña ami taeka ba e aki kukurei iai te Atua. Katotoña tani bainikirinaki aikai.

Ti kona n taekina ana taeka Iesu n tai ni bane n te tai ae ti kona. Ti na tai taku ba n te tai ae ti aña-naki, ma n tai nako. 2.Tim 4:2.

Kiristian ni bane ma aomata aika a tañira te Atua. Tiaki bon butan te euañkerio teimatoami i bukin te bainikirinaki ? Ma ñaia ae ti na tai kerikaki i bukin te bainikirinaki.

TE BITI.

EREKE te bití mai an tano n tabo aika a mauñauña aika a rietata ba a keniken aomata iai n ukoukora te bití. A keniken moa nako nano ao rimwi a ukeuke ni kataorababa. A bati tabo aika e reke iai te bití i America.

Bon te atibu ae kaokoro arona ae a ataia aomata aika tani keniken aika a tian reireiaki arona. Ñkana e reke te atibu are e reke te bití iai a botaki ni kabuokaki n te tabo teuana ke n te bañabaña teuana ae ababaki ao e ti nako n raña te bití n aron teran ñke moa te kabuebue ao a riki mañana aika bati ao a korokoreaki ao a reke bití iai aika bubura ao aika irariki.

Ñkana e tia n okoro te tano ma te bití ao a konaki ni karaoaki b'ai aika a bati mai iai ae te bai ni bobiti ma te waro ma te machine ma b'ai riki aika a bati

A kañaña karaoan baika a karaoaki man te bití ñkoa ao ñkai a riki ni bebete makuriaia i bukin b'ai ni makuri aika raoiroi, ma ni wactata.

Moani bati b'ai aika a raroi ma ni kamimi ma ni korakora ma ni kakawaki aika a karaoaki man te bití ae ai aron te tauantai ma te stove ma b'ai riki tabeua aika bat'.

B'ai ni makuri aika moan te raroi roi boni bai ni makuri aika karaoaki man te bití aika a kona ni karaoi baika a matoatoa ma n tamaroa.

A boni karaoaki kaibuke naba n te bití ma bain nanona ake a kona ni kabutia. A kakaraoaki kawain naba te ka n te bití ae matoatoa.

PAO.

TENIÑA te maire i maiakin Kiribati iai te abamakoro teuana ae arana Rauatonga, te aba ae bati n tiritiri ma ni kakañ kaina ñkoa.

Temanna te aomata ae kain te aba arei ae arana Pao. E toka i aon te kaibuke tewana n akawa, ni boborau tenua te ririki.

Iai temanna ni kain te kaibuke arei ae mañori; e kaira nako te aomata ae buakaka aei ae Pao n reireia ni wareware ao ni koroboki ma n taromauria te Atua n te aro ae e kona n iri raoi iai. Ao e riki rake ni keiaki nanona. Ñke a tuai ni koro tenua te ririki e reke nanoni Pao ba e na riki n te mitinare nakoia kain abana n okina.

Ñke e a roko i Raratonga e ka waerakeaki iai Pao, ao e kakukureiaki n norakin John Williams ae te mitinare ae kakanato i Polynesia.

Ñke e mena iai e nakon te macka teuana ma te macka teuana n tataekina te euañkerio n raoi ao te maiu; ao antai ae kona n atoñña ba iraman ae e iaño n rairaki man te ro nakon te ota i buakoia oin ana botanaomata?

Ñke e kateirakeaki i bukin te reirei'a aomata ba tan reirei ni kateimatoa i Raratonga, ao te weteaki i bukin te rinerine n uota te euañkerio nakoia aomata; ao Pao e aña boni ñaia i Lifu ae te aba teuana i maeon Raratonga.

E taku te missionary, "Ba e aera ao ko a tiba mena ikai tabeua namakaina; karekea aua te ririki i

maim ñkai ko tuai n nako; ko riai ni kamateb'ai i main nakom n reirei. I kan reireiko ae I reireiaki." E taku Pao, "E boni koaua ba I tuai ni bati n atatai, ma I ata te Atua ae koaua ao Iesu Kristo; ao I ata taekan ae tuai n roko: kana-koai ao N na tuañia aei, ao karim'ia rorobuaa ba a na tuañia b'ai tabeua."

E kairoroaki Pao ba e na tiku ni katia ana ana ririki. Ma e bati n nanaoñiaa bekan n aroia, n ai aron ae e tia ni mena iai; ao e maraki nanona ni kan kaota roñoroñon ana tañira te Atua nako ia.

Ma tiaki te aomata ae tataniña banen te ririki ñkae e a kan ana makuri; ma e barekia ni karekea rabakauna n taetaen Mare ae te aba ae kan ma Lifu.

Rimwi e nako mai Mare nako Lifu n te wa; ao ñke e a kania eta e takarua nakoia aomata n taekan Mare ni kañai, "Nako ao tuañia te uca ba raona ñai, ao I uota te roñoroño i bukina mairoun te Tamnei ae M'aka."

E mimi ma ni kukurei te uca ñke e añañaki te roñoroño, ba e a bua onimakinan antina, ba e a tia ni kanako wa nakon abamakoro aika raona n noria ba ñkana tao a kona ni kunea temanna ae m'aka riki nakon antina: ao ñkai e roko Pao ma te roñoroño mairoun te Tamnei ae M'aka n ti ñaia. Ao e tuañia ana tia buaka ba a na kaira Pao nakon ana anti. Teuac Bula bon te toka ae bati ni korakora riki n aba aikai: ao bon iai nimaña toka aika mañori ma aomata aika

añaña b'ai nako ina, ma n tauraoi ma aia b'ai ni buaka n tai nako.

E tuai n tia. ALBERT.

SUBJECTS.

Atuia Taromaui Ma Kaotioti

Rawa nakon te buakaka. Iako. 4:7-11.

E na bon reke kain te tia bure. I-Kar. 5:19-21.

Te Taetae-buaka. I. Bet. 3:8-10.

Te Kewekewe. Tito 1:12,13; Ka-oii. 21:8; 2:15.

Ana tautau mauri te Atua. Tai maku, ba au aomata Nkoe. It. 43:1-7. Bon Iehova te tia kawakiniko. Areru 121. Ana onimaki Bauro. Mak. 28:1-25. Ti maiu n tautauani maurira i Rouua. Areru 91.

Te Ota. Otau te cuañkerio. II. I Ko. 4:1-7. Nakonako n te Ota. I-Eb. 5:1-12. Otau aonaba Iesu. Ioa. 12:42-50. Boa te Rokou Iesu, te Maiu, ao otaia aomata. Ioa. 1:1-18.

Te Makuri i bukin te Uea. Antae Taetae? Iesu are am tia Kamaiu. It. 48. 12-17. Tau ao Karaoia. Tua-k. 5:32,33. Tani Kakoaua ñkami. It. 43:10-12. Kaotioti Raoiroin te Atua ma ana akoi. Ioa. 15:26,27. Ma ñaia ae E kañai nako im, Karaoia. Ioa. 2:5-11.

Ana bai te tia tokanikai. Kai ni kamaiu. Kaoti. 2:7. Te bau. 2:10. Te aki kamarakaki. 2:11. Te atibu ae mainaina. 2:17. Te m'aka. 2:26. Bouan te mancaba. 3:12.

TE MAN N RAOI.

E KAOTAKI IROUN

TE G.I.T.S. KABOWI

N te katenua n namakaina ae koraki
i bukin te Euañkerio i aon Gilberts.

MOTE T. TIRA.

Editor.

ROÑOROÑON KUSAIE.

✽

Apr. E roko steamer mai Ponape,
ao e iria Nanipei ma natina te aine ae
e uarekeke ao a man ikai. E a roko
naba te Governor ae fikainaba nako
Jaluit ñaia ma manena.

✽

May. E teirake Miss Hoppin ma
ana koraki ni katobibia Kusaie n ti na-
konako i aoni wae'a.

✽

June. E a roko Mr. Walkup mai
Kiribati ma roñoroñio aika bati. E
roko te steamer mai Sydney ao e iria
Nanipei nako Ponape. E a mareaki
Thomas ao Esther ao a ira Mr. Walkup
nako Kiribati, ao Teiuaki naba ba tan
reirei. E oki i aon Hiram Bingham
Tutana ba e mamara.

✽

TE ROBU AE MOTI.

I AI te tai teuana ae a tabe aomata
I tabeman n taekina aron te kabuani-
b'ai. E taku te teinim'ane temanna
nakon Jack. E aki bati am kabuanibai
Jack?, E kaeka temana, "Ti aki bane n
inaomata mai!" E taku Jack "A bati
b'ai aika kamimi aika a roko n aki ataki
man te aro n aki ofeaba."

E taku te teinim'ane temanna "I
butiko tuañira tabeua Jack. I ataia
ba iai i roum." E taku Jack, "Ñkana

bon iai i rou ao I aki mutiakina ba
e kakanato." E taku natin te kaben,
"Anaia." E taku Jack "Bon te kabua-
nibai ae kawa n te wiki ae a bakanako.
Taekan te tia kabiribiri n te kaibuke aei
ae e makuri iai arana Alfred Eastnor.

E taku te tia kamakuri "Ñkana e
a tia am makuri, ao oki mai n te kai
n tamarake. Oño tai b'ain robu aikai
aika a tinetine i rarikina." E taku
Eastnor "Eñ!" Ma e bon aki ofeaba.

Bon arora ñaira aika ti bobai ri
marawa, ao Eastnor bon kain eta.

E aki iañoi robu ake uai te ma-
taniwi ake a mka n te maimai, ma e
a tia n tuañia te tia kabiribiri ba e na
aki batin, ma ñike e tia ana makuri
Eastnor n teiterana e manuoki robu
ake e tuañaki. Ao e taku nakoia ata-
ei ake i aon deck Katikia Kawaetata.
Ao e tienako ni kani robu akekei.

E tei Jack n ike rake ma raona ni
bane ñike e tie nako. Ao e waetata
Eastnor n roko i aon te bwia. "Taua
ni buokia n te kaintamarake ñkana e
kona." E kawa! ñike tao e roko i nuka
e ofo tañina ao e moti te robu.

A bane ni kañai O! Akea ba e moti
ma'rouia ataei akekei. Ao e taetae
Jack ni karaauru ñike a koreaki taeka
ni kanakoaki te karaki.

Eñ e moti te robu, ao e baka uabwi
ma nimaia te bote. Ñke e tabekaki
Eastnor e a mate.

Ti wareka aron te aomata ae aki
ofeaba. Ata e rinea kawaina nakon
kawain te Atua. Aia uea Iteraera a tu-
laki n iraorao ma bekan ake i rariki'a
ao ti nora te uea ae e aki toki ni kata
kamaiuaia iroun te Atua, e onimakina
te robu ae mikamka n tain kainnanona.
Bon tokin bakan Ata te aro aei.

Taekan Ata aikai a koreaki ba rei-
reirara iroun te rao ae tañiraki. Oni-
maki ma ni kata ana taeka n akoi te
Atua nakoia aika a taua n aia tai nako.